



Na osnovu čl. 13. i 40. Statuta Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“ br. 28/11) a u skladu sa odredbama Zakona o profesionalnoj rehabilitaciji, osposobljavanju i zapošljavanju osoba sa invaliditetom („Službene novine FBiH“ br. 9/10), odredbama Zakona o ustanovama („Sl.RbiH br. 6/92,8/93 i 13/94), Odlukom o osnivanju Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“ broj: 48/10) a uz prethodno pribavljenu saglasnost Vlade Federacije BiH (Odluka o davanju prethodne saglasnosti na Odluku o izmjeni Statuta Fonda V. broj: 2058/2014. od 20.11.2014. godine), Upravni odbor Fonda za profesionalnu rehabilitaciju i zapošljavanje osoba sa invaliditetom, na četvrtoj sjednici održanoj dana 01.12.2014. godine, **d o n i o j e :**

ODLUKU
O IZMJENI STATUTA FONDA ZA PROFESIONALNU REHABILITACIJU
I ZAPOŠLJAVANJE OSOBA SA INVALIDITETOM

I

U članu 20. stav. 2 Statuta Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“ br. 28/11) mijenja se tačka 1. tako da ista glasi:

„ * VSS, završen pravni, ekonomski ili drugi fakultet društvenog smjera“

II

Ova Odluka stupa na snagu danom notarske obrade od kada se i primjenjuje.

III

Ova Odluka objavit će se u „Službenim novinama Federacije Bosne i Hercegovine“.

Broj:01-05-5- *4418*/14
Datum:01.12.2014.godine



PREDSJEDNIK
UPRAVNOG ODBORA

Almas Kulović
Almas Kulović, dipl.pravnik



Obrazloženje
Odluke o izmjeni Statuta Fonda za profesionalnu rehabilitaciju
i zapošljavanje osoba sa invaliditetom

I – ZAKONSKI OSNOV ZA DONOŠENJE ODLUKE

Zakonski osnov za donošenje ove Odluke sadržan je u odredbi člana 13. Statuta Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“ broj: 28/11), kojom je propisano da Upravni odbor Fonda donosi Statut Fonda, uz prethodnu suglasnost Vlade Federacije.

II – RAZLOZI ZA DONOŠENJE ODLUKE

Prijedlogom Izmjene Statuta Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“ broj: 28/11) postiže se otklanjanje nesklada između Odluke o osnivanju Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“ broj: 48/10) s jedne strane i Statuta Fonda s druge strane. Postojeći Statut ima različit pristup u definiranju uvjeta za imenovanje direktora Fonda u odnosu na Odluku kao osnivački akt koja je usvojena od strane Parlamenta Federacije BiH a samim tim i na Zakon o profesionalnoj rehabilitaciji, osposobljavanju i zapošljavanju osoba sa invaliditetom („Službene novine Federacije BiH“ broj: 9/10).

Imajući u vidu gore navedeno, premijer Vlade Federacije BiH uputio je Upravnom odboru Fonda za profesionalnu rehabilitaciju i zapošljavanje osoba sa invaliditetom dopis broj: 01-35-1421/14 od 29.10.2014. godine u kojem je navedeno:

1. Da je Upravni odbor Fonda za profesionalnu rehabilitaciju i zapošljavanje osoba sa invaliditetom dužan da uskladi odredbe Statuta koji su u koliziji sa Odlukom o osnivanju Fonda za profesionalnu rehabilitaciju i zapošljavanje osoba sa invaliditetom odnosno Zakonom o profesionalnoj rehabilitaciji, osposobljavanju i zapošljavanju osoba sa invaliditetom u pogledu kriterija koje mora ispunjavati direktor Fonda.

2. Da je Upravni odbor dužan poništiti dosadašnje aktivnosti vezane za konkursnu proceduru te ponovo pokrenuti pomenute aktivnosti u skladu sa Zakonom o profesionalnoj rehabilitaciji, osposobljavanju i zapošljavanju osoba sa invaliditetom, Odlukom o osnivanju Fonda za profesionalnu rehabilitaciju i zapošljavanje osoba sa invaliditetom te Zakonom o ministarskim, vladinim i drugim imenovanjima.

III – OBRAZLOŽENJE PREDLOŽENIH PRAVNIH RJEŠENJA

Tačkom 1. Nacrta Odluke o izmjeni Statuta Fonda za profesionalnu rehabilitaciju i zapošljavanje osoba sa invaliditetom predviđeno je da se u članu 20. stav 2. Statuta Fonda za profesionalnu rehabilitaciju i zapošljavanje osoba sa invaliditetom („Službene novine



Federacije BiH“ br. 28/11) tačka 1. mijenja tako da ista glasi: „ * VSS, završen pravni, ekonomski ili drugi fakultet društvenog smjera“.

Tačkom 2. Nacrta odluke o izmjeni Statuta Fonda za profesionalnu rehabilitaciju i zapošljavanje osoba sa invaliditetom, definirano je pitanje stupanja na snagu odluke.

IV – FINANCIJSKA SREDSTVA

Za provedbu ove odluke nije potrebno osigurati dodatna finansijska sredstva iz Budžeta Federacije Bosne i Hercegovine.